

বৈশাখ মানেই

আদনান সৈয়দ

বৈশাখ মানেই মায়ের হাসি
কৃষক বধুর চপল চোখ
বৈশাখ মানেই প্রাণের পরশ
ছোট্ট আমার বাংলা মুখ।

বৈশাখ মানেই উথাল-পাতাল
নাইচা নাইচা বাউল গান
বৈশাখ মানেই বাংলা শিশুর
ছোট্ট গালের মিষ্টি প্রাণ।

বৈশাখ মানেই পাগলা হাওয়া
আকাশ জুরে মেঘলা দিন
বৈশাখ মানেই তোমার কাছে
আমার অনেক জমলো ঋন।

বৈশাখ মানেই তোমার খোপায়
বেলি ফুলের শুভ্র মালা
বৈশাখ মানেই আমার চোখে
ভালোবাসার নিত্য জ্বালা।

বৈশাখ মানেই মেলায় মেলায়
জোড়ায় জোড়ায় বাসর ঘর
বৈশাখ মানেই বুকের মাঝে
ভালোবাসার নতুন চর ।

বৈশাখ মানেই নতুন কথা
বৈশাখ মানেই নতুন পথ
বৈশাখ মানেই নতুন সকাল
বৈশাখ মানেই নতুন মত ।
(ঢাকা, ১৮/৪/২০০৭)